

舌胎統志

惟賢署



舌胎统志

耐寒甫著



南京中医药大学图书馆版权所有

中華民國十九年十月初版

傅氏三書

(平裝四冊一函定價大洋一元四角)

著述者 太倉傅耐寒

校訂者 太倉傅不雅承言

參校者 太倉政起豪

藏版者 劉河傅學古堂

印刷者 上海中醫書局

發行所 上海中醫書局

版權所有
不准翻印



北京中醫藥大學圖書館版權所有

辨舌之去有張氏歸寧方三舌降氏者集之
 六舌般氏症殺十三舌金之文此舌鑑而
 辨其疎密以胎包分神耐常數單
 虫牙眼之痛尋常然終以舌色為五分
 明此是烟舉目張法賤用亮舌之明斷有所
 相宗蓋能悟微標本與否非以新舊如勝其
 有獻於同道者多矣

乙卯年十月葉伯未拜讀校記



善察心苗

叶叔子李夢覺題



後漢書

卷之六

錢龍章題



郝瑞篆



自序

醫之學有四。曰望聞問切。此四者治病之本伎也。經云望而知之。謂之神。夫望知之學。係望神色。望形氣是也。內經雖不言望舌而舌亦在其中焉。望舌辯胎。雖先賢所不屑。要爲末學所必需。何者。舌胎實爲臨證審察之捷徑也。蓋舌爲五藏六府之總使。如心之開竅於舌。胃咽上接於舌。脾脈挾舌本。心脈係於舌根。脾絡係於舌傍。腎肝之絡脈亦上係於舌本。夫心爲神明之府。五藏之主。胃爲水穀之海。六府之源。脾主中州。四藏賴以灌溉。是以藏府有病。必變見於舌上。故舌辯藏府之虛實寒熱。猶氣口之辯表裏陰陽。但氣口關係一身。無所不見。惟舌胎獨應三焦裏結之邪。爲有

異耳。然邪之所在。在於軀殼者。病在於藏府者。危。故辯舌之權衡。不亞於切脈。醫掌司命。豈可忽哉。惟辯舌之法。亦必與形氣脈證同參。庶無錯失。且必問其所苦。察其所困。若是則其標本之寒熱。概可知矣。觀舌之要。全憑日色。難假火光。原火光之下。黃白不分。根底不顯故也。嘗讀內經難經中藏經諸書。皆無辯舌辯胎之語。獨長沙傷寒論中。止有舌白胎滑一句。亦別無餘辯。蓋古人治未病者多。一見舌胎。知邪已傳裏。卽爲難治之證。後世旣無前古之惜身調養。又無先聖未病之良工。不得不三復議論。爲臨證者之一鏡焉。余嘗歷覽金鏡錄之三十六圖。觀舌心法之百有三十七圖。張誕先傷寒舌鑑之百二十圖。葉天士溫證舌辯之數百言。雖

講論頗詳。惜祇辯於傷寒之門。絕不與雜症同談。不知雜證在裏之邪。昭昭於舌上者。亦復不少。然則採傷寒門之捷徑。以補雜症中之妙用。又豈不可。因作舌胎統志。續傷寒之傍門。開雜症之便道。彙成一書。以公同志。

同治十三年歲次甲戌長夏弇山耐寒傅松元稿於硯香閣

舌胎新例

古人以胎色分門。今改從舌色分門。蓋舌爲本而胎爲標也。舌色有八。曰枯白。曰淡白。曰淡紅。曰正紅。曰絳。曰紫。曰青。曰黑。舌形亦有八。曰腫脹。長大捲縮。尖削。薄瘦。痿皺。戰弄。強硬。胎色有八。曰白。黃。灰黑。藍。醬。熟嫩。胎形亦有八。曰油滑。潤膩。微薄。碎裂。芒刺。焦斑。瘡疱。透明是也。辯舌分五部。曰舌尖。以候上焦心肺。曰舌中央。以候脾胃。與二腸。曰舌根。以候腎源。與二便。曰舌傍。左候肝胆。右候脾肺。曰舌邊。以候三焦膜原。與兩脇之邪。原夫邪氣在表。舌不生胎。其有胎者。裏必有邪。所謂存於中而形於外也。

舌爲心之苗。其色當紅。紅不嬌豔。其質當澤。澤非光滑。其象當毛。

毛無芒刺。必得淡紅上有薄白之胎氣。方是無邪之舌。薄白者胃氣也。



南京中医药大学图书馆版权所有

舌胎統志目錄

枯白舌 八則

淡白舌 十二則

淡紅舌 十六則

黃胎說

黑胎說

又淡紅舌 十則

正紅舌 三十七則

正紅舌辨

絳色舌 六則



紫色舌

九則

青色舌

六則

黑色舌

二則



南京中医药大学图书馆版权所有

舌胎統志

太倉傅松元耐寒著

次子制烈丕承校

枯白舌 卽熟白也

白舌無氣者爲枯。乃其藏府之氣血不榮舌上也。其舌枯白者。必連齦唇皆無血色。枯白之舌。半死半生。

枯白而潤。爲脫血。爲虛體過食寒涼。爲腹痛。爲脾泄。爲中寒。爲霍亂吐瀉。爲寒疝河白。爲寒溼傷中。治之十生七八。

舌枯白而加上滑胎。或白或灰或黃或青。能起居而脈沉遲柔弱。者可進大溫燥兼補而治之。十全七八。不能起居拒食嘔吐者。難治。若脈如循刀刃。或芤濡。或弦直者。皆不治。治亦不救。

舌枯白而乾燥。或芒刺。或碎裂。或尖銳。或透明。或焦黑。皆不治。雖脈氣有神。百生一二。惟婦人崩漏。有相火者。龍胆瀉肝湯。或龍薈丸。

枯白而有白沫者。治宜溫通燥溼。多有得生者。

枯白而脹滿者。爲水腫。爲痰飲。溫通宜用重劑。

舌枯白。中心尖上有透明熟色者。主死。

白者。藏府之極寒。枯者。陽氣之敗也。透明熟色。陰精已竭。故主死而不治。

淡白舌

淡白者。病後之常舌也。較平人舌色略淡。比枯白之舌色略紅潤。



南京中醫藥大學圖書館版權所

也。須分其舌本之厚薄大小。其舌色之淡者。中藏虛也。故淡白舌。爲藏氣虛寒。治宜溫補。婦人得孕二月後。多此舌。治以宣通脾胃之滯。宜辛香。

淡白舌而白沫白涎者。是人多痺氣。胸中有寒濕也。或涼飲所致。或瓜桃所傷。宜辛溫宣利治之。

淡白舌而白胎者。爲瘧作。爲殮泄。爲痞疝。爲癖積。爲喘滿。爲膈塞。總之不離乎寒飲凝伏。陽分衰微。調治不用汗吐下三法爲宜。

淡白舌而生黃胎者。爲陽虛溼盛。隨其輕重左右上下。應而溫之。燥之。其必有表證脈色之可證。如無表邪外證相關。平胃散最爲合用。

淡白舌而生灰黑胎。滑潤者寒溼無疑。其或老黃與乾燥之灰黑。中焦雖虛。內有相火停食也。不作寒溼論治。須加以清泄化滯之味。原淡白之舌。定無熱實。一定之理也。雖有積苔。是爲垢滯。淡白舌而尖生芒刺。或黑刺。爲陰火越出。非表熱脈數。切忌涼飲。雖然。冬溫中有用越脾湯一法。若失血後君相火炎。生刺而痛。治以滋陰清火。惟足冷者可用引火歸元之意。然終難治。若至棘手發響者。爲不治。躁而脈洪者不治。傷寒陰毒發癰。三氣時邪見此。亦皆不治。原此陰陽兩虧之舌。若加大病。正不勝邪。多致不起。淡白舌強硬。爲風痰上壅。症屬類中。必口不能言。舌本滿大。或寒溼關中。或痞脹溼滿之屬。須脈證合參論治。